

## ԿԱՐԾԻՔ

ԻԳ.00.02 - «Քաղաքական ինստիտուտներ և գործընթացներ» մասնագիտությամբ քաղաքական գիտությունների թեկնածուի գիտական աստիճանը հայցող Անժելա Սուրենի Մնացականյանի «ՀՀ արտաքին ուղղության քաղաքականությունն անվտանգության ապահովման համատեքստում» թեմայով ատենախոսության վերաբերյալ

Հայաստանի Հանրապետության ազգային անվտանգության ապահովման համատեքստում արտաքին ուղղության քաղաքականության մասնագիտական հետազոտությունը, մեր պետության առջև ծառայած հիմնական մարտահրավերների ու սպառնալիքների վեր հանումն ու հայկական երկու հանրապետությունների անվտանգության նոր ճարտարապետության ուրվագծումները հայրենական քաղաքագիտական մտքի առջև ծառայած խիստ արդիական ու հրատապ հիմնախնդիրներից են: Բանն այն է, որ 2020թ 44-օրյա պատերազմի ծանր հետևանքները էականորեն փոխել են Հայաստանի Հանրապետության անվտանգային միջավայրը, ինչպես նաև առաջացրել են Հայաստանի անվտանգային ճարտարապետության խորը ճգնաժամ: Հետևաբար՝ օբյեկտիվ անհրաժեշտություն է առաջանում վերանայել ՀՀ արտաքին ուղղության քաղաքականությունը, մշակել նոր իրողություններից բխող պետության արտաքին ուղղության քաղաքականության հիմնական տարրերին համահունչ նոր ուղղակարություն ու մարտավարություն: Այս տեսանկյունից հեղինակի՝ պաշտանության ներկայացված թեման միանշանակ արդիական ու հրատապ կարելի է համարել:

Սույն ատենախոսության շրջանակներում համեմատական վերլուծության են ենթարկված ՀՀ արտաքին ուղղության քաղաքականության ներքին և արտաքին գործոնները՝ հաշվի առնելով ժամանակակից պատերազմների հիբրիդային չափումները: Աշխատանքում համակողմանիորեն դիտարկված են ուղղաքաղաքական դաշինքների և տարածաշրջանային պետությունների անվտանգային գործոնները, որոնք մեծապես պայմանավորում են ՀՀ անվտանգային միջավայրը: Ատենախոսի դիտարկումներում

առանցքային տեղ են զբաղեցնում Հայաստանի անվտանգային ճարտարապետության խորը ճգնաժամի հաղթահարման ուղիները: Այս համատեքստում Ա. Մնացականյանը հիմնավորում է ՀՀ արտաքին ոազմական քաղաքականության վերանայման անհրաժեշտությունը: Հեղինակի կարծիքով, Հայաստանի Հանրապետությունը, գտնվելով գոյաբանական անվտանգային մարտահրավերների առջև՝ ունի անվտանգության երկրնտրանքի ընդգծված հատկանիշներ, ինչպես ժամանակին ունեցել կամ շարունակում են ունենալ մի շարք փոքր պետություններ: Ավելին, Հայաստանը գտնվում է բարդ ու սպառնալիքներով լի անվտանգային միջավայրում, որի աշխարհագրական չափանիշները համեմատելի և նույնիսկ համադրելի են մի շարք փոքր պետությունների հետ: Ներկայիս ձևավորվող բազմաբևեռ աշխարհակարգը, փոքր պետությունների միջավայրը դարձնում է ավելի անկայուն և սպառնալիքներով լի, քանի որ յուրաքանչյուր դերակատար փորձում է առաջնորդվել իր «խաղի կանոններով»: Ունենալով միջազգային հարաբերությունների ու անվտանգության նորմերի և արժեհամակարգի ազգային տեսլականը՝ փոքր պետություններն ունեն քաղաքական, տնտեսական, անվտանգային, նորմատիվային և աշխարհակարգային ազդեցություն ունենալու հավակնություններ:

Ժամանակակից միջազգային քաղաքական գործընթացներում արդիական է արտաքին ոազմական քաղաքականության հիմնախնդրի ուսումնասիրության ինչպես գիտական այպես էլ մեթոդաբանական չափումները: Աշխատանքում ատենախոսը արտաքին ոազմական քաղաքականության և ոազմական անվտանգության ապահովման համակարգում կարևորում է «խելացի» դիվանագիտության գործիքակազմի կիրառումը: Ըստ հեղինակի՝ դրա առաջնահերթ խնդիրն է ստեղծել արտաքին բարենպաստ պայմաններ՝ նվազագույն ուժերով երկրի պաշտպանությունն ապահովելու համար: Այդ նպատակով ատենախոսը համակողմանիորեն դիտարկել է արտաքին ոազմական քաղաքականության ինստիտուցիոնալացման գործընթացը՝ գնահատելով աշխարհաքաղաքական մարտահրավերները և Հարավային Կովկասի ինտեգրման ներկայիս մակարդակը:

Ատենախոսության առաջին՝ «Հայաստանի Հանրապետության ոազմական քաղաքականության էությունը և հիմնական բնութագրիչները» գլխում քննարկվում է ոազմական քաղաքականություն հասկացությունը և ինստիտուցիոնալ

ատանձնահատկությունները, տրվում է ՀՀ ռազմական քաղաքականության սահմանումը: Վերլուծվում են ՀՀ ռազմական անվտանգության ապահովման հիմնադրույթները, ինչպես նաև ներկայացվում է Լեոնային Ղարաբաղի հակամարտությունը՝ ՀՀ ռազմական քաղաքականության համատեքստում: Ռազմական քաղաքականությունը որոշ դեպքերում դուրս է գալիս զուտ ռազմական ոլորտի շրջանակներից և ընդգրկում է պետության գործունեության մյուս բնագավառները: Հիմնվելով ռազմական փորձագետների վերլուծությունների և հաշվի առնելով ռազմաքաղաքական առաջատար պետությունների ռազմական քաղաքականության փորձը, հեղինակը ՀՀ արտաքին ռազմական քաղաքականությունը ձևակերպել է, որպես պետական մարմինների կողմից ռազմաքաղաքական ոլորտում իրականացվող կարևորագույն գործունեություն, որը նպատակաուղղված է ազգային անվտանգության արժեքների պահպանմանը, դաշնակցային հարաբերությունների և դաշինքների ամրապնդմանն ու նորերի ձեռքբերմանը, ինչպես նաև ազգային անվտանգության դեմ ուղղված սպառնալիքների չեզոքացմանը: Ա. Մնացականյանը վեր է հանել ռազմական քաղաքականության տնտեսական, քաղաքական, դիվանագիտական և ռազմական բաղադրիչներից և վերլուծել վերջիններիս փոխկապակցվածությունը:

Ատենախոսության երկրորդ՝ «Հայաստանի Հանրապետության արտաքին ռազմական քաղաքականությունը բազմակողմ գործակցության շրջանակներում» գլխում ներկայացվում են Հայաստանի Հանրապետության ռազմական քաղաքականությունը Հավաքական անվտանգության պայմանագրի կազմակերպության շրջանակներում և Հայաստանի Հանրապետություն-ՆԱՏՕ ռազմական համագործակցության դերը ՀՀ արտաքին ռազմական քաղաքականության մեջ: Հեղինակը ներկայացրել է Հայաստանի անդամակցությունը ՀԱՊԿ-ին, որպես ռազմատեխնիկական, զենքի ու ռազմական տեխնիկայի ձեռքբերման և յուրացման տեսանկյունից ՀՀ զինված ուժերի մարտական պատրաստվածությունն ու մարտունակությունը պայմանավորող կարևորագույն գործոններից մեկը: Ա. Մնացականյանը վերլուծել է Հայաստանի համագործակցությունը Հյուսիսատլանտյան դաշինքի հետ, որպես հավասարակշռության պահպանման միջոցով և Հայաստանի համար անվտանգության բազմաշերտ համակարգ ստեղծելու գործիք:

Ատենախոսության երրորդ՝ «Հայաստանի Հանրապետության երկկողմ արտաքին  
ոազմաքաղաքական կապերը» գլխում դիտարկվում են Հայ-ռուսական  
ոազմաքաղաքական հարաբերությունների նշանակությունը ՀՀ ազգային անվտանգության  
երաշխավորման գործում, Հայ-վրացական ոազմաքաղաքական հարաբերությունների  
առանձնահատկությունները, Իրանի Իսլամական Հանրապետություն դերը ՀՀ ազգային  
անվտանգության համակարգում և ՀՀ-ԱՄՆ ոազմաքաղաքական հարաբերությունների  
ներկա փուլը և զարգացման հնարավորությունները: Ատենախոսության մեջ վեր են  
հանված նշված համագործակցությունների զարգացմանը խոչընդոտող պատճառները և  
ներկայացրել են առաջարկությունները վերջիններս հաղթահարելու համար, ինչպես նաև  
հեղինակը վերլուծել է վերոհիշյալ երկրների ոազմաքաղաքական համագործակցությունը  
Ադրբեջանի և Թուրքիայի հետ, վերջիններս ներկայացնելով որպես տվյալ  
ուղղություններով ՀՀ արտաքին ոազմական քաղաքականության զարգացմանը  
խոչընդոտող գործոններ:

Միաժամանակ, հարկ ենք համարում ընդգծել, որ աշխատանքը զերծ չէ նաև որոշ  
բացթողումներից և թերություններից, որոնցից, մասնավորապես կառանձնացնեինք  
հետևյալները՝

1. Հեղինակը, որպես ՀՀ ոազմական քաղաքականության հիմնասյուններ նշել է  
պաշտպանական բարեփոխումները, ոազմական դիվանագիտությունը և  
ոազմարդյունաբերական համալիրի զարգացումը, կարծում ենք աշխատանքը  
միանշանակ կշահեր, եթե հեղինակը, որպես հենասյուն դիտարկեր նաև  
ոազմական կրթությունը:
2. Ատենախոսը խորը և համապարփակ ընդգրկումով վերլուծել է ՀՀ-ՌԴ,  
Հայաստան-Իրան, Հայաստան-Վրաստան և Հայաստան-ԱՄՆ,  
հարաբերությունները՝ ոազմական պրիզմայի ներքո: Կարծում ենք  
աշխատանքը ավելի կշահեր, եթե ատենախոսը անդրադառնար նաև ՀՀ-  
Հունաստան և ՀՀ-Հնդկաստան հարաբերություններին:
3. Կարծում ենք աշխատանքում նպատակահարմար էր ներառել նաև ՀՀ-ԵՄ,  
ՀՀ-ԵԱՀԿ հարաբերությունների ուսումնասիրությունը, մանավանդ, որ  
առանձին ուսումնասիրվում է ՀՀ-ԵԱՏՄ հարթությունը:

4. Կարծում ենք, որ ատենախոսության շրջանակներում լրացուցիչ հստակեցման կարիք ունեն նաև «ռազմական քաղաքականություն», «արտաքին ռազմական քաղաքականություն», «պաշտպանական քաղաքականություն» հասկացությունները:

Այնուամենայնիվ, վերանշյալ դիտարկումները էականորեն չեն ազդում ատենախոսության ընդհանուր բովանդակության և գիտական արժեքի վրա: Հեղինակի հրատարակած տասնմեկ գիտական հոդվածներում արտացոլված են ատենախոսության հիմնական դրույթները: Աշխատանքը գրված է պատշաճ գիտական լեզվով, առկա է նոր տեղեկատվական միջոցների կիրառությունը, օգտագործված գրականությունը հարուստ է, գիտականությունը պահված է: Հաշվի առնելով վերոնշյալ դիտարկումները՝ որպես պաշտոնական ընդդիմախոս՝ գտնում եմ, որ **Անժելա Սուրենի Մնացականյանի «ՀՀ արտաքին ռազմական քաղաքականությունն անվտանգության ապահովման համատեքստում»** թեմայով՝ ԻԳ.00.02-«Քաղաքական ինստիտուտներ և գործընթացներ» մասնագիտությամբ քաղաքական գիտությունների թեկնածուի գիտական աստիճանի հայցման ատենախոսությունը համապատասխանում ՀՀ-ում գիտական աստիճանաշնորհման կանոնակարգի 7-րդ կետի պահանջներին:

Պաշտոնական ընդդիմախոս՝  
Քաղ. գիտ. թեկնածու, դոցենտ՝

Վ. Է. ՄԱՐՏԻՐՈՍՅԱՆ

Քաղ. գիտ. թեկնածու, դոցենտ Վ. Մարտիրոսյանի ստորագրությունը հաստատում եմ՝  
ԵՊՀ գիտական քարտուղար, բան. գիտ. թեկնածու

Մ. Վ. ՀՈՎՀԱՆՆԻՍՅԱՆ

09.02.2023

